

Headline	Anak syarikat TNB dapat akreditasi UK		
MediaTitle	Sinar Harian		
Date	07 Mar 2018	Language	Malay
Circulation	160,000	Readership	509,000
Section	Bisnes	Page No	43
ArticleSize	114 cm²	Journalist	N/A
PR Value	RM 5,834		



Anak syarikat TNB dapat akreditasi UK

ANAK syarikat milik penuh Tenaga Nasional Berhad (TNB), TNB Fuel Services Sdn Bhd (TNBF) muncul organisasi pertama di Malaysia yang menerima Sijil CIPS Standard Corporate daripada Chartered Institute of Procurement & Supply (CIPS), berpangkalan di United Kingdom.

Pensijilan CIPS Standard Corporate ini

menilai lima dimensi yang merangkumi, kepimpinan dan organisasi; strategi dan polisi; warga kerja; sistem dan proses; dan prestasi pengurusan.

Akreditasi badan profesional itu membuktikan bahawa TNBF telah mengamalkan perolehan standard yang baik dan bertaraf



dunia, selain diperakui menyediakan platform yang progresif serta berstruktur untuk mencapai kecemerlangan dalam operasi perolehan dan pembekalan.

Pengiktirafan tersebut menjadikan TNBF sebagai antara organisasi perolehan terbaik dalam industri pembekalan komoditi, sekali

gus mendorong usaha bagi menjana pendapatan daripada bisnes TNB yang tidak dika-wal selia.

Pensijilan disampaikan Ketua Pemasaran CIPS, Jon Soon, kepada Pengarah Urusan TNBF, Zainal Abidin Shah Mahamood sambil disaksikan Presiden/Ketua Pegawai Eksekutif TNB, Datuk Seri Ir. Azman Mohd di sini.